

SCRIPT OF MORNING GOJRI NEWS BULLETIN 18FEB 2025 1015HRS

مارننگ گو جری نیوز بولٹن 18 فروری 2025

یوہ آکاشوانی جموں ہے محمد آصف تیں خبر سُنو۔

JK HM CRIMINAL LAWS

مرکزی وزیر داخلہ امت شاہ اج وزیر اعلیٰ عمر عبداللہ تے لیفٹیننٹ گورنر منوج سنہا غی سربراہی مانہہ جموں کشمیر مانہہ جرائیم بارے جائیزو لیومینٹنگ غے دوران پولیس جیل تے عدالتاں مانہہ نوا جرائمی قوانین ناں علان ور زور دتو جے گواضع رہ جے ۳ قوانین بھارتیہ نیای سہیتا ۲ ہزار ۳۲ بھارتیہ ناگرک سُرکشا سہیتا ۲ ہزار ۳۲ تے بھارتیہ سورکشا ادہنیم ۲ ہزار ۳۲ ناں عملایو جے غو۔ یاد رہ جے ان ۳ قوانین غی عمل آوری نال آئی پی سی تے سی آر پی ایف ناں ہتایو جے غو۔ زیریعاں نے دسیو ہے جے مرکزی تے ریاستی حکومت گا اعلیٰ عہدے دار وی اس مینٹنگ مانہہ موجود ریں گا۔

LG BORDER

حالیہ تہاڑیں قبضہ لکیر غے نیڑے تماکہ خیز حملہ تے بنا پار تیں گولی باری غا واقعات غا سلسلہ مانہہ لیفٹیننٹ گورنر منوج سنہا نے بھارتی فوج غی طرفوں ہراکن ناپاک حرکت غو ڈٹ غے مقابلو کرن بارے عزم ناں ظاہر کرتاں واں کہیو ہے جے بھارتی فوج صلاحیت رکھے کھیڈاں بارے منعقد اک پروگرام غے دوران بولتا واں ایل جی موصوف نے کہیو جے دبیشٹ گردی مخالف کاروائیاں مانہہ کائے وی کمی نہیں دیکھی گئی ہے تے دبیشٹ گعدی غے خلاف لڑن واسطے حفاظتی ایجنسیاں ناں سختی نال ہدایت دتی گئی ہے واضع رہ جے جناب سنہا گو یو بیان گزشتہ ۱۱ فروری ناں اکھنور سیکٹر مانہہ اک دماکہ غا معاملہ توں بعد باندے آہو ہے جس غا نتیجہ مانہہ اک فوجی افسر سمیت ۲ جواب شہید ہو گیا تھا۔ جدکہ راجوری پونچھ ضلعان مانہہ بنا پار توں ہون آلی گولی باری مانہہ ۲ فوجی جوان زخمی ہو گیا تھا۔

GOC VISIT

بھارتی فوج غی وائیٹ نائیٹ کاپس غا جی او سی نے ریاستی تے راجوری سیکٹراں گو دورو لاغے حفاظتی صورتحال غو جائیزو لیو ہے دورہ غے دوران جی او سی نے حصاص علاقان مانہہ حفاظت غی خاطر بھارتی فوج غا جوانان غی طرفوں چایا گیا اقدام غی ضروریات ور لو کہلتاں واں امن برقرار رکھن غی ضرورت ور زور دتو ہے دورہ غے دوران جموں کشمیر مانہہ حفاظت غی خاطر ہر ویلے چُکنا رہن غی ہدایت کی گئی ہے۔

NASHA JK

مرکزی وزیر شیوراج سنگھ چوہان اج مدیہ پردیش مانہہ شہری بستیاں بارے زمینی سروے کرن غا کم گو افتتاح کریں غاواضع رہ جے اس سروے غے تحت ۶۲ ریاستاں تے ۳ مرکزی زیر انتظام علاقان غی نشاندہی کی جے گی اس سلسلہ مانہہ آکاشوانی جموں غا مہارا نمائندہ نے جانکاری دتہ ہے جے جموں کشمیر غا ۴ بشناہ کٹرہ اونتری پورہ تے پٹن بلدیاتی اداراں غی ترقی غی خاطر ۴۹۱ کروڑ مرکزی معاونت غا پروگراماں گو وی افتتاح کیو جے گوزریعاں نے دسیو ہے جے اس پروگرام غو مقصد شہری بستیاں مانہہ زمین غا ریکارڈ

مانہہ شفافیت لیانو ہے یاد رہے گراں ترقی بارے مرکزی وزارت نے اس پروگرام ناں شروع کرن غی پہل کی ہے۔

Dy CM ILLEGAL MINING

نائب وزیر اعلیٰ سریندر کمار چوہدری نے خبردار کیو ہے جے غیر قانونی طریقہ نال کان کنی کرن آلاں گے کلاف سخت توں سخت کاروائی کی جے غی وادی کشمیر غا بارہمولہ ضلع مانہہ بکھ بکھ ترقیاتی کماں بارے منعقدہ اک جائیزہ میٹنگ غے دوران بولتا واں نائب وزیر اعلیٰ نے کہیو جے غیر قانونی طریقہ نال کان کنی غے خلاف سختی نال قانونی کاروائی کی جے گی۔

MOCK EXERCISE

قدرتی طوفان تیں بچاؤ بارے قومی اتھارٹی یعنی این ڈی ایم اے تے بھارتیہ ہوائی اڈہ بارے اتھارٹی اج تیں ۲ تہاراں توڑی جاری رہن آلی اک جانکاری تے تربیتی مشق غی شروعات کرن جارہی ہے واضع رہے جے اس جانکاری تے تربیتی پروگرام غو مقصد قدرتی طوفان تیں بچن بارے جانکاری ناں عام کرنو ہے۔

DM JAMMU CCTV

جموں غا ضلع مجسٹریٹ سچن کمار ویشیا نے جاتے روز اک حکم نامو جاری کرتا واں متعلقین ناں ہدایت کیں این جے جموں کشمیر مانہہ سی سی ٹی وی کیمرہ نصب کیا جیں تاں جے عام لوکاں غی حفاظت ناں یقینی بنایو جاسکے۔ واضع رہے جے بھارتیہ ناگرک سرکشا سہیتا قانون غی سکیشن ۳۶۱ غے تحت یہ سی سی ٹی وی کیمرہ بنکاں اسپتالاں تجارتی دوکاناں تے تعلیمی اداراں مانہہ نصب کیا جیں گا یاد رہے جے ضلع مجسٹریٹ نے یہ کیمرہ ۲ ہفتہ غی مدت مانہہ لان گو حکم دیتا واں کہیو ہے جے لاپرواہی برتن آلاں غے خلاف سختی نال کاروائی کی جے گی۔
